

Auglýsing


um friðland í Svarfaðardal.

Samkvæmt heimild í 24. gr. laga nr. 47/1971 um náttúruvernd hefur Náttúruverndarráð ákveðið fyrir sitt leyti að friðlýsa Svarfaðardalsá í Eyjafirði neðanverða, ásamt hökkum og óshólum, og er svæðið friðland.

Mörk friðlandsins eru þessi:

Vesturmörk: Fremri takmörk friðlandsins eru landamerki Tjarnar annars vegar og Jarðbrúar og Grundar hins vegar. Niður að vestan allt til sjávar eru mörkin sem hér segir: Meðfram Húsabakka og Tjarnarbörðum að Lækjarklauf neðan Tjarnartúns. Þaðan norður og í gegnum allar Ingvaranýrar er stór affallsskurður marklína allt að merkjum Helgafells. Gegnum Helgafellsland fylgir línan gömlum reiðgötum, sem liggja skammt vestan við ána í beygju. Frá merkjum Syðra-Holts fylgja mörkin línu, sem hugsast dregin skáhallt í suðurenda neðsta N-S skurðar neðan Ytri-Holts túns. Þaðan fylgir hún skurðinum allt að merkjum Hrafnstaða. Hér verður vinkilbeygja á linunni til vesturs og fylgir hún nú börðum í gegnum Hrafnstaða- og Hrafnstaðakotsland allt upp að þjóðveginum milli nefndra bæja. Á stuttum kafla norður af Gultjörn er vegurinn markalínan. Frá Gultjörn fylgja mörkin hugsaðri skálinu, sem dregin er í punkt 10 m vestan við Árgerðisbrú. Norður með Árgerðistúni er markalínan í 10 m fjarlægð frá ánni, en síðan taka við börðin í gegnum gamla Böggvisstaðaland neðan við Ásgarð, en síðan vélgrafinn skurður neðan við þjóðveginum allt að beygju, sem á honum er neðan við Vegamót. Úr beygjunni eru mörkin eftir hugsaðri línu skáhallt norð-austur eftir Flæðunum í punkt 10 m neðan við Áburðargeymslu. Þaðan til sjávar yfir sandinn í stefnu á Hrólfssker.

Austurmörk: Skógarreitunin á Hánefsstöðum markar fremsta hluta friðlandsins að austanverðu, allt að merkjum Sökku (Ölduhryggjar). Þaðan í gegnum allt Sökkuland er þjóðvegurinn markalínan, en Skáldalækjarmelar þegar þeir taka við skammt norðan við landamerkin. Þegar melunum sleppir norðan Skáldalækjar er þjóðvegurinn aftur markalínan í gegnum land Hamars á örstuttum kafla, en síðan Hrisaland allt að vegamótum Skíðadals- og Ólafsfjarðarvegjar. Hér verður vinkilbeygja á linunni til vesturs. Norðan vegarins fylgir hún girðingu, sem skilur tún og bithaga á Hrisum austan Hrisatjarnar þar til sú lína mætir melnum í Hrisahöfða austan við Norð-austurhorn tjarnarinnar. Frá þessum punkti eru mörk friðlandsins hugsuð skálinu dregin í miðjan áros Svarfaðardalsár við sjóinn.



Uppdráttur, er sýnir mörk friðlandsins, fylgir með auglýsingu þessari.

Um friðland þetta gilda eftirfarandi reglur:

1. Bannað er að breyta landslagi á svæðinu eða farvegi Svartaðardalsár.
2. Óheimilt er að gera nokkur mannvirki á svæðinu. Gildir þetta um hvers konar byggingar, skurði og vegi. Girðingar á friðlandinu má aðeins reisa með samþykki umsjónarnefndar friðlandsins. Skulu þær þannig gerðar, að þær hindri ekki umferð gangandi fólks um svæðið (hlið eða tröppur yfir girðinguna).

3. Friðlandið má aðeins nýttja á sama hátt og tíðkast hefur, svo sem til slægna, beitar og veiði í ánni. Malarnám og sandnám verði heimilað áfram þar sem það nú fer fram, en verði háð eftirliti umsjónarnefndar friðlandsins.
4. Bannað er að granda fuglum á friðlandinu. Eigi má heldur skemma hreiður þeirra eða taka egg úr þeim. Öllum, sem um landið fara, ber að varast að skerða gróður á því.
5. Gangandi mönnum og riðandi er heimil umferð um friðlandið, enda brjóti dvöl þeirra á engan hátt í bága við tilgang friðlýsingarinnar. Stefnt skal að því að marka gönguleiðir um svæðið. Umferð vélknúinna ökutækja um svæðið er því aðeins leyfð, að hún sé í tengslum við leyfilegar nýttjar landsins.

Umsjón með friðlandinu er í höndum þriggja manna. Skulu náttúruverndarnefndir Eyjafjarðarsýslu og Dalvíkurkaupstaðar tilnefna einn mann hvor, en Náttúruverndarráð hinn þriðja, og er hann formaður.

Til undanþágu frá reglum þessum að öðru leyti en getur í 2. og 3. gr. þarf leyfi Náttúruverndarráðs.

Um viðurlög vegna brota á reglum þessum fer eftir ákvæðum náttúruverndarlaga.

Ráðuneytið er samþykkt friðlýsingunni, sem tekur gildi við birtingu þessarar auglýsingar í Stjórnartíðindum. Jafnframt er felld úr gildi auglýsing nr. 339/1972 um friðland í Svarfaðardal.

Menntamálaráðuneytið, 13. ágúst 1980.

Ingvar Gíslason.

Birgir Thorlacius.

Dalvík 16. maí 1984.

Til byggingarnefndar Dalvíkur.

Með tilvísun til samþykktar byggingarnefndar frá 1. maí 1984 vill umsjónarnefnd Friðlands Svarfdæla taka eftirfarandi fram.


1. Nefndin samþykkir fyrir sitt leyti umsókn Þórólfs Antons-sonar og Helga Ásgrímssonar um leyfi til að byggja aðstöðuhús fyrir laxeldisstöð á nánar tilgreindum stað norðan og austan Áburðarskemmu. Nefndin gengur út frá því sem sjálfsögðu að nefnd bygging samrýmist reglum byggingarnefndar um útlit og frágang.

2. Ennfremur er umsjónarnefndin fús til að vinna að því við Náttúruverndarráð að mörkum Friðlands Svarfdæla verði breytt á þá leið sem byggingarnefnd óskar og sýnt er á uppdrætti. Jafnframt skal það tekið fram að nefndin telur með öllu óþolandi að svæði það sem um ræðir austan Áburðarskemmu sé notað sem kirkju-
garður ónýtra véla og tækja eins og nú er. Leyfi til tilfærslu á friðlandsmörkunum yrði einungis gefið í fullu trausti þess að bæjaryfirvöld á Dalvík sjái um að svæðið verði hreinsað af aðskotahlutum.

Umsjónarnefndin stingur upp á að ný mörk friðlandsins verði sem hér segir: Bein lína úr skurðbeygju neðan við Vegamót í toppstöð Hitaveitu Dalvíkur á Sandinum og þaðan eftir hitavatns-
lögninni að brúnni yfir Svarfaðardalsá, þaðan skemmstu leið til sjávar.

Virðingarfyllst.

f.h. Umsjónarnefndar Friðlands Svarfdæla.



Trausti Þorsteinsson

fundarritari.